

Kommunalbestyrelsip suleriaasissaa naliginnaasooq

Kommunalbestyrelsip ataatsimiittarneri

§ 1. Kommunalbestyrelsip ataatsimiinneri tamanut ammasuupput. Taamaattoq Kommunalbestyrelsip suliassat ataasiakkaat matoqqasumik oqaluuserineqarnissaat akuersissutigisinnaavaa, tak. Kommunit aqunneqarnerat pillugu Inatsisartut inatsisaat nr. 29, 17. November 2017-meersoq § 9 (Aqutsinissamut inatsit).

Imm. 2. Suliassat makkua, suliassani ataasiakkaani kommunalbestyrelse allatut ittumik aalajangiisimangippat - matoqqasumik oqaluuserineqassapput:

1. Suliassat aalajangiivigineqarnissaminni inunnut tunngassuteqartunik naliliisariaqarfusut
2. Suliassat illuutinik aalaakkaasunik pisinissamik tunisinissamilluunniit ilaqartut, aamma
3. Illuni suliassat pisiassallu pillugit missingiutit neqeroorutillu.

Imm. 3. Taamaattoq suliassap matoqqasumik oqaluuserineqarnissaanut tunngavissaqarnerasoq pillugu apeqqut matoqqasumik oqaluuserineqassaaq tamanna Kommunalbestyrelsimit imaluunniit Borgmesterimit aalajangerneqarpat, tak. aqutsinissamut inatsit § 9.

Imm. 4. Paasissutissanik matoqqasumik ataatsimiinnermi eqqartornerarsimasuni, sulianilluunniit allani nipangiussimasussaataitaanermik inatsimmi aalajangikkatigut nipangiussimasussaataitaanermik inatsimmi aalajangersakkatigut nipangiussimasussaataitaanermi killiliivigineqarput. Nipangiussimasussaataitaaneq kommunimut allanulluunniit matoqqasumik suliarinninnermut sunniuteqarsinnaasut atuunnerat tamaat atuutissaaq.

Imm. 5. Kommunimi atorfillit suliani matoqqasuni najuunnissamut kommunalbestyrelsimit pisinnaatinneqarsinnaapput, ilanngullugu inuit allat aggersarneqarsinnaapput suliamut tunngasumik nassuiaateqartoqarnissaa kissaatigineqarpat.

Imm. 6. Suliassat matoqqasumik oqaluuserineqartussat sapinngisamik kingulliullugit oqaluuserineqassapput.

Imm. 7. Kialluunniit Kommunalbestyrelsip ataatsimiinneri ammasut najuuffigisinnaavai eqqissimasumik torersumillu pissuseqarnissamik piumasaqaateqarneq sianigalugu. Tusarnaartup oqaluuserinninnerit akornusersorpagit Borgmesterip pineqartoq imaluunniit pisariaqartinneqarpat tusarnaartut tamaasa ataatsimiinnermit qimagutsissinnaavai. Borgmesterip immikkut inissat tusagas-siorfiit sinniisuisa atugassaasut inniminnarsinnaavai.

Imm. 8. Kommunalbestyrelsip ataatsimiinneri ammasut TV-mut imaluunniit radiumut immiun-neqarnissaat akuerisinnaavaa.

Kommunalbestyrelsimut ilaasortat ataatsimeeqataasinnaajunnaartarnerat

§ 2. Ilaasortaq Kommunalbestyrelsip ataatsimiinnissaani ataatsimeeqataasinnaajunnaaruni tamatuminnga Borgmester allakkatigut nalunaarfigissavaa ugguuna qeqertalik@qeqertalik.gl, ilanngullugu allatsi CC-neqassalluni. Ataatsimeeqataasinnaanani nalunaarnejq ataatsimiinnissaq sapinngisamik ullunik tallimanik sioqqullugu nalunaarutigineqassaaq. Ataatsiminnerni ataasiakkaani ataatsimiinnerup imaqarniliornerani allanneqartassaaq ilaasortaq kina ataatsimeeqataasiman-nginnersoq, kinalu sinniisutut ataatsimeeqataasimanersoq.

Kommunalbestyrelsimi ilaasortat iliuuseqarsinnaatitaanerat

§ 3. Kommunalbestyrelsimi ilaasortaq kinaluunniit kommunip susassaarfii pillugit apeqquutit suulluunniit kommunalbestyrelsimut apeqquutigisinnaavai, aamma tamakku pillugit aalajangiivigineqartussamik siunnersuuteqarsinnaavoq, aqutsineq pillugu inatsimmi § 13 naapertorlugu.

Imm. 2 Apeqquteqaat naatsumik ersarissumik allanneqarsimassaaq, tunngavilersuummillu ilaqartinneqassalluni.

Imm. 3 Ilaasortaq imm. 2 aallaavigalugu kommunip susassaarfii pillugit apeqquteqaruni, apeqquutit qeqertalik@qeqertalik.gl-mut nassiutissavai, siunnersuutit aamma tamatumunnga atuupput, taamaattoq tak. § 4. Apeqquutit tiguneqartut borgmesterimut aamma Allattoqarfik Inuanut erngerumik ingerlateqqinneqassapput. Tassani nalilerneqassaaq apeqquutit apeqquutit allaffissornikkut akissuteqarfigineqarsinnaanersoq. Allaffissornikkut akissuteqarfigineqarsinnaaneranik nalilerneqarpat, sapinngisamik ullut 14-it qaangiutsinnagit akissuteqartoqassaaq, tamannali pisinnaanngippat apeqquteqartoq ilisimatinneqassaaq qaqugu akineqarnissaminik naatsorsuuteqarsinnaanersoq. Apeqquteqaat akissuteqarfigineqarsinnaanngitsutut nalilerneqarpat, apeqquteqaat akissuteqarfigiumallugu ataatsimiititaliamut susassaqartumut ingerlateqqinneqarsinnaassaaq. Apeqquteqaatit taakkunungaluk akissuteqaatit kommunip nittartagaani saqqummiunneqartassapput, apeqquutit akissutissartaalu paasissutissanik isertuuttariaqakkanik imaqaanngippat. Apeqquutit akissutillu assilineri tamatigut kommunalbestyrelsimi ilaasortanut tamanut nassiunneqartassappit, apeqquutit akissutillu isertuuttariaqakkanik imaqaraluarpataluunniit.

Imm. 4 Kommunalbestyrelsimi ilaasortaq innuttaasunik saaffigineqarnermini, innuttaasumut

saaffigisassaq eqqortoq innersuutigissavaa.

Imm. 5 Kommunalbestyrelsimi qinikkatut saaffiginninnissaq pissaaq taamaallaat borgmesterimut aamma Allattoqarfik Inuanut.

Oqaluuserisassat nassiussorneqarnerat suliassallu saqqumitinneqarnerat

§ 4. Ileqquusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasoq qinnutigineqarsimappat taanna siullermik ataatsimiinnissami oqaluuserisassanut Borgmesterimit ilanngunneqassaaq. Borgmesterili suliassamut naliliippat piffissaq sivisunerusoq pisariaqartinneqartoq kinguartitsisinnaavoq, tamannalu ataatsimiinnermi siullermi ilisimatitsissutitut ilanngunneqartassaaq. Suliassamik nassiussinermi Borgmesterip allattoqarfia, akissuteqartassaaq, suliassap tingusimaneranik, kiisalu ataatsimiititalianut ingerlateqqinneqarneranik.

Imm. 2. Ileqquusumik ataatsimiinnissaq kingusinnerpaamik ulluinnarnik tallimanik sioqqullugu oqaluuserisassanut takussutissiap Kommunalbestyrelsimi ilaasortanut tamanut nassiunneqarnissaa Borgmesterip isumagissavaa.

Imm. 3. Oqaluuserisassat ilanngussallu kommunalbestyrelsimi ilaasortat qinikkatut sulinerminni e-mailianut nassiunneqartassapput.

Imm. 4 Suliassaq ileqquusumik ataatsimiinnissami oqaluuserisassanut ilanngunneqaraangat suliassap nalilerneqarnissaanut atugassat pisariaqartinneqartut - ilaasortanut nassiunneqareersimanngikkunik - kommunip allaffianiit innuttaasunit tiguneqarsinnaassapput sivikinnerpaamik ulluinnarni sisamani ataatsimiinnissaq sioqqullugu. Tamatumunnga peqatigitillugu oqaluuserisassanut takussutissiaq saqqumitinneqassaaq.

Imm. 5. Immikkut ittumik ataatsimiinnissamut ataatsimiigiaqqusinermi Borgmesterip sapinngisamik suliassat suut ataatsimiinnissami oqaluuserineqarumaarnersut sukumiisumik ilaasortanut ilisimatitsissutigissavai.

Aalajangiisinnaassuseq, ataatsimiinnerup aqunneqarnera suliassallu saqqummiunneqarnerat

§ 5. Kommunalbestyrelsi ilaasortat ikinnerpaamik affaat peqataagunik kommunalbestyrelse aalajangiisinnaassuseqarpoq, tak. aqutsinissamik inatsit § 11, stk. 1.

Imm. 2. Kommunalbestyrelsip ataatsimiinneri Borgmesterimit, taannalu pisinnaanngippat

tullersortaanit siullermit (aappaanit) aqunneqassapput. Borgmesterip oqaluuserinninnerup aqunneqarnera ataatsimiinnerullu nalaani torersumik pissuseqarnissaq pillugu apeqqutit tamaasa aalajangiiffigisassavai. Aammattaaq immikkoortut taasiffiusussat Borgmesterip aaqqissuuttassavai.

Imm. 3. Kinaluunniit oqaaseqarumasooq Borgmesterimut saaffiginnissaaq, taassumalu ilaasortat piumasaqaateqarsimasut tulleriinneri malillugit oqaaseqartittassavai. Ilaasortat arlallit oqaaseqarumallutik ataatsikkut piumasaqaateqarpata Borgmesterip oqaaseqartussat tulleriinnilissavai. Oqaaseqartut Borgmesteriunngitsumik kipitinneqassanngillat.

Imm. 4. Ilaasortap kialluunniit torersumik pissuseqarnissap malinneqarnissaa pillugu Borgmesterip aalajangiinera malissavaa. Ilaasortaq ataatsimiinnermi ataatsimi marloriarluni torersumik pissuseqarnissamik peqquneqarsimappat Borgmesterip siunnersuuteqarneratigut ataatsimiinnermi tassani oqaaseqaaqqissanngitsoq Kommunalbestyrelsip aalajangersinnaavaa.

Imm. 5. Borgmesterip apeqqutit nammineq aalajangiiffigisinnaasani Kommunalbestyrelsimut aalajangiiffigisassanngortissinnaavai.

Ataatsimiinnermik siulersuineq

§ 6. Suliassat ataatsimiinnermi oqaluuserineqassapput Borgmesterip tulleriinnilersuinera malillugu, taamaalillunilu oqaluuserisassanut takussutissiami tulleriinnilersuineq saneqqussinnaallugu.

Imm. 2. Ilaasortaq kinaluunniit ataatsimiinnerup aallartinnerani oqaluuserisassanut takussutissiaq pillugu, tassunga ilanngullugu oqaluuserisassat tulleriiaarneqarnerat pillugu apeqqutitut oqaaseqarnissaminik aammalu oqaluuserisassat matoqqasumi oqaluuserisassanut nuunneqarnissaannik akerlianilluunniit piumasaqaateqarsinnaavoq.

Suliassat saqqummiunneqarnerat

§ 7. Inatsisitigut allamik aalajangiisoqarsimanngippat imaluunniit marloriarluni oqaluuserinninnissaq Kommunalbestyrelsimut aalajangiunneqarsimanngippat suliassaq ataasiaannarluni oqaluuserineqassaaq. Kommunip aqutsinissamik ileqqoreqqusaa aqutsinissamik inatsisip § 1, stk 2 naapertorlugu marloriarluni oqaluuserineqassaaq, aammattaaq ukiumoortumik missingersuusiart marloriarlutik oqaluuserineqassapput, tak. Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. November 2016-meersoq § 21.

Imm. 2. Siullermeerlugu oqaluuserinninnermi suliassap aalajangiivigineqarnissaa taasissutigine-

qassanngilaq, taamaallaat aappassaaneerlugu oqaluuserisassanngortinneqarnera. Suliassap aappassaaneerluni oqaluuserisassanngortinneqannginnerani ilaasortaq kinaluunniit suliassaq pineqartoq pillugu oqaaseqarumasinnaavoq suliap aappassaaneerineqarnissaanut Kommunalbestyrelsimiit aalajangiiffigineqannginnerani. Siullermeerlugu aappassaaneerlugulu oqaluuserineqarnera ullormi ataatsimi pissanngilaq. Taamaattoq aqutsinissamut ileqqoreqqusap aamma ukiumoortumik missingersuusiata siullermeerlugu aappassaaneerlugulu oqaluuserineqarnerat pissaaq aqutsinissamut inatsisip § 1, stk 2 aamma aningaasaqarnermut aqutsinissamut inatsisip § 21 malillugit ullunik 14-inik akunneqartillugit.

Imm. 3. Suliassaq marloriarlugu oqaluuserineqassatillugu siullermeerlugu oqaluuserineqarnerani pappiaqqat atorineqartut sapinngisamik ilaasortanut saqqummiunneqassapput imaluunniit taakku akornanni kaaviiartinneqassallutik.

Aalajangiinissamut tunngavissaq

§ 8. Kommunalbestyrelsi aalajangersinnaavoq suliassaq ataatsimiititaliap aalajangersimasup susasaqarfiinut ilaanngitsoq ataatsimiititaliat ataavaartut ilaanni oqaluuserisassanngortinneqassasoq.

Imm. 2. Kommunalbestyrelsi isumaqarpat suliassaq Kommunalbestyrelsimi oqaluuserineqannginnermini immikkut ataatsimiititaliami oqaluuserineqartariaqartoq ataatsimiititaliaq taamaattoq pilersinneqassaaq Kommunalbestyrelsip suliassami tassani aalajangiinera malillugu amerlassuseqartumik ilaasortaqartoq.

Imm. 3. Immikkut ataatsimiititaliaq nammineq siulittaasussamik qinersisussaq allaganngorlugu nassuiaasiussaaq Borgmesterimut ingerlatinneqartussamik, taassumalu taanna Kommunalbestyrelsimut ilaasortaanut agguaatissavaa.

Oqaluuserinninnerni taasinernilu ilaasortat peqataanissaat

§ 9. Ilaasortat ilaat suliassami aalajangersimasumi inuttut ima soqutigisaqartiginersoq, suliassamillu taassuminnga Kommunalbestyrelsip oqaluuserinninnerani taasineranilu peqataanngitsoortariaqarnersoq, Kommunalbestyrelsip aalajangiiffigissavaa. Taamatut pisoqartillugu suliassap saqqummiunneqarnerani, oqaluuserineqarnerani taasisutigineqarneranilu pineqartup ini ataatsimiiffik qimassavaa.

Imm. 2. Ilaasortap pissutsinik suliassanilu aalajangersimasuni inuttut soqutigisaqarnini pissutigalugu ataatsimiissutigininninnerni taasinernilu peqataasinnaanermiut nalornisoornartoqartillugu Kommunalbestyrelsi ilisimatissavaa.

Ilaasortat oqaluuserinnermi taasinnermilu peqataasarnerat

§ 10. Ilaasortat Kommunalbestyrelsip isumaqatiginninniarnerni taasinnerinilu taamaallaat peqataasinnaapput taakkunani nammineerlutik najuunermikkut.

Imm. 2. Kommunalbestyrelsi aalajangersinnaavoq, ilaasortat ilaat naapilluni ataatsimiinermut ilaasussatut oqarasuaatikkut attaveqaatilluunniit allat atornerisigut peqataasinnaasut, soorlu aamma kommunalbestyrelsi aalajangersinnaasoq ataatsimiinneq taamaallaat oqarasuaatikkunnaq imaluunniit attaveqaatit allat atornerisigunnaq soorlu teams atorlugu ingerlanneqassasoq.

Imm. 3. Kommunalbestyrelsimut ilaasortaq teknologi atorlugu attaveqaatikkut kommunalbestyrelsip isumaqatigiinniarnerni taasinnerinilu peqataasinnaatitaavoq, aqutsineq pillugu inatsimmi tamatumunga malittarisassat naapertorlugit, aqutsineq pillugu inatsimmi §11, imm. 2 naapertorlugu.

Taasinerit, allannguutissanut aamma ilaannakortumik allannguutissanut siunnersuutit

§ 11. Taasinerit ingerlanneqassapput ilaasortat nappaanerisigut imaluunniit tamanut nalunaarutiginerisigut.

Imm. 2. Inatsisitigut allanik maleruagassaqaanngikkaangat aalajangiinerit tamarmik amerlanerusuteqarnikkut aalajangiivigineqartassapput.

Imm. 3. Borgmesteri isumaqaruni suliassap qanoq inaarneqarnissaa ima nalorninaatsigisoq taasissutigineqarnissaa pisariaqarani tamanna oqaatigissavaa suliassap qanoq inaarneqarneratut isummani oqaatigiutigalugu. Taassuma kingorna ilaasortat arlaannaalluunniit taasinnissamik piumasaqaateqaanngippat Borgmesterip oqaatigisinnaavaa suliassaq naammassineqartoq inaarneqarneratut isummani naapertorlugu.

Imm. 4. Taasineq allattuilluni taasiffilerluni ingerlanneqassaaq, tamannalu Borgmesterip isumagineqassaaq tunniunneqarlunilu ilaasortaq ataaseq amerlanerilluunniit piumasaqaateqarpata.

Allannguutissatut aamma allannguutaqqittussatut siunnersuutit

§ 12. Allannguutissatut aamma ilaannakortumik allannguutissatut siunnersuutit saqqummiunneqarsinnaapput taasinnisaq pitinnagu, siunnersuutillu taamaattut suliassat marloriarlugit oqaluuserineqartussat siullermeerlugit oqaluuserineqarneranni saqqummiunneqartariaqaratilluunniit ilimasaarutigisariaqaanngillat, taamaattoq tak. imm. 2.

Imm. 2. Suliassat marloriarlutik oqaluuserineqartussat eqqarsaatigalugit Kommunalbestyrelsi aalajangersinnaavoq allannguutissatut aamma pissutsit tunngavigalugit ilaannakortumik

allannguutissatut siunnersuutiniq saqqummiussinissamut piffissaliisoqassasoq, taamatut pisoqartillugu piffissarititaasup qaangiutereerneratigut saqqummiussisoqarsinnaanngilaq.

Imm. 3. Allannnguutissatut aamma ilaannakortumik allannnguutissatut siunnersuutit aappas-saaneerlugu oqaluuserinninnissaq sioqqullugu ilaasortanut ilisimatitsissutigineqarsimanngippata oqaluuserinninnerit aallartinneranni Borgmesteri siunnersuutit pillugit nalunaaruteqassaaq, taakku saqqummiunneqarsimappata. Borgmesterip aalajangissavaa allannnguutissatut siunnersuutit qanoq tullerinneqarlutik taasissutigineqassanersut, taakku taasissutigineqartassapput siunnersuutigineqaq-qaartoq taasissutigineqartinnagu.

Imm. 4. Ataatsimiititaliamik pilersitsinissamik, ataatsimiititaliamut siusinnerusukkut pilersinneqareersimasumut suliassap innersuunneqarnissaanik imaluunniit ataatsimiititaliami nangillugu suliarineqarnissaanik siunnersuutit saqqummiunneqarsinnaapput suliassap taasissuti-gineqarnissaa pitinnagu. Suliassap oqaluuserineqarnera aallartinneqareersoq siunnersuutit taamaattut saqqummiunneqarpata suliassap oqaluuserineqarnera unitsinneqassaaq, Kommunalbestyrelsip aalajangiiffigissavaa suliassaq ataatsimiititaliami oqaluuserineqassanersoq.

Amerlanerussuteqarnikkut qinersinerit

§ 13. Siulittaasumik, inunnillu ataasiakkaanik allanik qinersinerit, taakkununga ilanngullugit kommunimi sulisussanik atorfinitsitsinerit, ingerlanneqassapput amerlanerussuteqarnikkut qinersinertut.

Imm. 2. Amerlanerussuteqarluni qinersinikkut qinigaassaaq qinigassaq taasinerit affaanit amerlanerusunit (taasinernik amerlanerpaanik) taaneqartoq. Qinigassaq taasinerit affaanit amerlanerusunit taaneqanngippat qinigassat marluk amerlanerpaanit taaneqarsimasut akornanni aalajangersimasumik qinersisoqassaaq, aalajangersimasumik qinersisoqarnerani taasinerit amerlaqatigiippata amerlanerpaamik taaneqartut akornanni marluk qinigassanngortinneqassasut makitsinikkut aalajangerneqassaaq. Tassani taasinerit amerlaqatigiippata makitsinikkut aalajangiineqassaaq.

Qanoq amerlassuseqarneq tunngavigalugu qinersinerit

§ 14. Kommunalbestyrelsimi, kommissionini siulersuisuni taamaaqataannilu ilaasortassanik marlunnik amerlanernilluunniit Kommunalbestyrelsip qinersineri ingerlanneqassapput qanoq amerlassuseqarneq tunngavigalugu qinersinertigut.

Imm. 2. Qanoq amerlassuseqarneq tunngavigalugu qinersinerit ingerlanneqassapput imatut:

Kommunalbestyrelsimi ilaasortat immikkoortunut agguaatissapput qinersinissami pineqartumi qanoq taasiumanerlutik Borgmesterimut nalunaaruteqarsimanertik malillugu. Immikkoortut ataasiakkaat ilaasortaata agguarneqassapput 1-imik, 2-mik 3-mik il.il. Taakku malillugit amerlassuseq malillugu tulleriinnilerlutik immikkoortut sinniisuutitassatik qinertassavaat. Amerlassutsit marluk amerlanerilluunniit amerlaqatigiippata qanoq tulleriinneqarnissaq makitsinikkut aalajangerneqassaaq. Immikkoortut ataasiakkaat sinniisuutitassatik naammatsillugit aalajangiiffigereerunikkit piaartumik Borgmesterimut nalunaarutigissavaat kikkut toqqarneqarsimanersut. Immikkoortup sinniisuutitassani ataaseq arlallilluunniit toqqanngitsoorsinnaavai. Taamatut pisoqartillugu inissat inuttalernerqanngitsut immikkoortut allat akornanni siuliani taaneqartutut inuttalernerqassapput.

Aalajangiinermut imaqarniliaq

§ 15. Kommunalbestyrelsip ataatsimiinnerini aalajangiinerit allanneqassapput Kommunalbestyrelsip allattaanit aalajangiinernut imaqarniliami. Borgmesterip oqaatigissavai suut allanneqassanersut.

Imm. 2. Ilaasortaq kinaluunniit piumasaqarsinnaavoq isummani allaasoq naatsumik imaqarniliami allanneqaqqullugu, tak. aqutsinissamut inatsisip § 16-ia.

Imm. 3. Aalajangiinernut imaqarniliaq ataatsimiinnerit naammassinerini, allanneqarsimasut atuarneqareeraangata, ilaasortanit ataatsimeeqataasimasunit tamanit atsiorneqassaaq. Ilaasortat taasisimanertik imaluunnit pissutsit allat innersuutigalugit aalajangiinernut imaqarniliaq atsiorumangissinnaanngilaat.

Imm. 4. Imaqarniliap atsiorneqarneraniit kingusinnerpaamik qaammat ataaseq qaangiuppat ammasumik matoqqasumillu ataatsimiinnermi imaqarniliap nuutinnera Naalakkersuisunut Nakkutilliisoqarfimmullu Borgmesterimit nassiunneqassaaq.

Borgmesterip aqutsinissaminut pisinnaatitaaffii

§ 16. Ilaasortaq kinaluunniit suleriaasissami aalajangersakkat qanoq paasineqarnissaannik Borgmesterip aalajangiinera malissallugu pisussaataitaavoq, apeqquilli Kommunalbestyrelsip tullianik ataatsimiinnissaani saqqummiunneqarsinnaatitaapput.

Suleriaasissami allannguutit

§ 17. Suleriaasissaq manna atortuulersinneqarpoq ulloq 2. maj 2025.

Taamaalilluni akuersissutigineqarpoq Kommunalbestyrelsip ataatsimiinnerani ulloq 2. maaji 2025.

Steilmann
Simigaq Heilmann
Borgmesteri